



## **INFORMACIJA O IMPLEMENTACIJI PROGRAMA UNDP-A ZA OPORAVAK OD POPLAVA – STAMBENO ZBRINJAVANJE U BIH NA PODRUČJU GRADA GRADAČAC**

### **UVOD**

Razvojni program Ujedinjenih nacija u Bosni i Hercegovini (UNDP u BiH) je od 2014.-2016.godine, u okviru EU Programa za oporavak od poplava, finansiranog od strane Evropske unije, implementirao brojne aktivnosti koje su za rezultat imale sanaciju stambenih, javnih i infrastrukturnih objekata oštećenih ili uništenih poplavama i klizištima 2014.godine, te ekonomski oporavak velikog broja nastradalih poljoprivrednih domaćinstava, kao i malih i srednjih preduzeća.

U cilju nastavka pružanja pomoći stanovništvu u poplavljenim područjima u 2017.godini započeta je realizacija druge faze Programa, koju finansira Evropska unija, a koja za cilj ima trajno stambeno zbrinjavanje i ekonomsko osnaživanje žrtava poplava i klizišta u BiH kroz izgradnju i sanaciju individualnih stambenih objekata i pomoć maloj poljoprivredi.

### **AKTIVNOSTI GRADA GRADAČAC NA IMPLEMENTACIJI PROGRAMA**

Program implementira UNDP BiH u 20 općina i gradova na području FBiH a polovinom ove godine naknadno je upućen upit i o trenutnoj potrebi grada Gradačac za stambenim zbrinjavanjem socijalno ugroženih domaćinstava čiji su objekti zahvaćeni klizištima, na što je dato izjašnjenje od strane Gradonačelnika o potrebi uključivanja u ovaj Program obzirom na i dalje vidljive posljedice klizišta nastalih 2014. i 2015. godine i značajan broj uništenih i oštećenih stambenih objekata.

Aktom kojim smo se izjasnili o potrebi uključivanja u ovaj Program (07.06.2019.godine) kandidovano je ukupno 8 stambenih objekata neuslovnih za stanovanje-uništenih djelovanjem klizišta i 35 oštećenih stambenih objekata.

Gradonačelnik je svojim Rješenjem imenovao Komisiju za odabir korisnika Programa za oporavak od poplava-stambeno zbrinjavanje na području grada Gradačac (17.06.2019.godine).

Stručna lica, angažovana od strane UNDP-a, izvršila su terensku verifikaciju potencijalnih korisnika sa dostavljene liste (19., 20. i 21.06.2019.godine) i rezultate te verifikacije su nam dostavili početkom jula. Prema njihovim kriterijima dostavljen je spisak vlasnika 14 stambenih objekata koji su potencijalni kandidati za izgradnju i 5 vlasnika objekata koji su potencijalni kandidati za sanaciju stambenih objekata.

Odmah nakon dostavljanja ovih rezultata, zatraženo je od strane UNDP-a da svi oni dostave određenu dokumentaciju radi sagledavanja ispunjavanja određenih uslova i sačinjavanja bodovne liste prema socijalnom i dr. statusu.

Sve porodice su obaviještene o potrebi dostavljanja tražene dokumentacije, međutim u konačnici samo njih 8 (iz kategorije za izgradnju) i 3 (iz kategorije za sanaciju) su dostavili kompletnu traženu dokumentaciju te je aktom gradske Komisije, od 15.07.2019. godine, ista prosljedjena UNDP-u.

Na osnovu dostavljene dokumentacije i dr. kriterija UNDP-a utvrđeno je koji aplikanti zadovoljavaju uslove Javnog poziva i izvršeno je njihovo bodovanje te nam je 25.09.2019. godine dostavljena bodovna lista za 7 objekata (iz kategorije za izgradnju) i 3 objekta (iz kategorije za sanaciju) i to:

Za izgradnju:

1. Pandžić (Hazima) Amir, Mionica II
2. Golać (Alaga) Bego, Zeljina Donja
3. Selimović (Nusret) Nusreta, Kerep
4. Hasić (Hasana) Husein, Zeljina Srednja
5. Imširović (Jasim) Mehmedalija, Medjidja Srednja
6. Mujanović (Mehmeda) Fadil, Zeljina Donja i
7. Peštalić (Hasana) Senahid, Mionica III.

Za sanaciju:

1. Mujkanović (Mujo) Samed, Medjidja Donja,
2. Mujić (Rasim) Edin, Jelovče Selo i
3. Kukuljević (Halida) Sabir, Mionica III.

Istovremeno je zatraženo izjašnjenje da li je Grad spreman preuzeti sljedeće obaveze vezano za svaki novoizgrađeni objekat, i to:

- 5.000,00 KM finansijskog učešća po novoizgrađenoj stambenoj jedinici,
- Osigurati priključke vode, kanalizacije i elektroenergetske mreže gdje je to moguće,
- Osigurati potrebnu tehničku dokumentaciju koja će poslužiti kao podloga za projektovanje i izvođenje radova,
- Izdavanje saglasnosti potrebnih za izgradnju objekta,
- Imenovanje koordinatora projektnih aktivnosti i učešće u nadzoru nad izvođenjem radova.

Sve navedene obaveze su prihvaćene od strane Gradonačelnika.

Osim navedenog, za porodice koje su u stanju socijalne potrebe a nemaju plac u svom vlasništvu, predviđeno je sufinansiranje kupovine gradjevinskog zemljišta u iznosu do 5.000 KM.

U vezi sa gore navedenim Gradonačelnik je dana 26.11.2019.godine potpisao Protokol o saradnji između Grada Gradačac i Programa za oporavak od poplava – Stambeno zbrinjavanje kojeg provodi Razvojni program Ujedinjenih nacija BiH.

## **PROJEKAT EKONOMSKOG OSNAŽIVANJA**

Uporedo sa stambenim zbrinjavanjem u sklopu Programa se vodi i Projekat ekonomskog osnaživanja koji će se realizovati kroz paket pomoći u koji je uključena nabavka i isporuka repromaterijala i opreme (plastenici, sadni materijal, paketi prihrane i zaštite idr.) te savjetodavnu podršku i uvezivanje sa potencijalnim otkupljivačima.

Predstavnici UNDP-a su kontaktirali sa svih deset porodica iz oblasti stambenog zbrinjavanja te su u užu krug za dodjelu ove vrste pomoći ušle 3 porodice (Mujić, Pandžić, Selimović).

U ovom momentu ne raspolažemo informacijom da li su sve tri porodice ušle u ovaj projekat UNDP-a.

Obradivač:

Služba civilne zaštite

Predlagač:

Gradonačelnik